



Inatsisartunut ilaasortaq Asii Chemnitz Narup, Inuit Ataqaatigiit
Inatsisartut Allattoqarfiat
/Maani

**Arctic Economic Council-imi ilaasortaaneq pillugu § 37 naapertorlugu
apeqquteqaammut nr. 2022/158-imut akissut.**

17-08-2022
Suliap nr. 2022 - 412
Dok. nr. 20830684

Asasara Asii Chemnitz Narup,

Arctic Economic Council-imi (AEC) ilaasortaaneq pillugu Inatsisartut suleriaasianni § 37 naapertorlugu Naalakkersuisunut apeqquteqarputit, ilanngullugu ingerlatseqatigiiffiit Namminersorlutik Oqartussanit pigineqartut siunnersuisooqatigiinni taakkunani ilaasortannornissaat. Apeqqutitit uannut akisassanngorlugit innersuunneqarput.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutinut Namminersorlutik Oqartussat inuussutissarsiornermut politikkiannut tunngassutilinnut Nunanut Allanut, Inuussutissarsiornermut Niuernermullu Naalakkersuisoqarfimmit ilanngussassanik piniartoqarpoq.

Apeqqut 1: Apeqqut Naalakkersuisut kaammattuinnissaminnut imaluunniit politikikkut peqqunissaminnut pilersaaruteqarpat – Ukiup tulliani Namminersorlutik oqartussat ingerlatseqatigiiffiisa ataatsimeersuarneranni – taakku Arctic Economic Council-imut (AEC-mut) ilaasortannornissaannut?

Akissut: Aallaaviatigut assersuutigalugu peqatigiiffimmi imaluunniit siunnersuisooqatigiinni ilaasortannornissaq ingerlatseqatigiiffinni aqutsisunit ataasiakkaanit aalajangiiffineqartarpoq. Naalakkersuinikkut akuliutinnginnissamut tunngaviummut naapertuuttumik, ingerlatseqatigiiffiit Namminersorlutik Oqartussanit pigineqartut AEC-imi pinngitsaaliissummik ilaasortannornissaannik Naalakkersuisut politikikkut sulikkernalersaanngilaat.

Apeqqut 2: Apeqqut Aappimik akineqassappat, suut tunngavilersuutigalugit?

Akissut: Akissuteqaat matuma siulianiittoq takuuk.

Apeqqut 3: Apeqqut Naaggamik akineqassappat, suut tunngavilersuutigalugit?

Akissut: Akissuteqaat matuma siulianiittoq takuuk.

Apeqqut 4: Apeqqut Inuussutissarsiutinut tunngatillugu sinaakkutit atugassartittaasut suut Naalakkersuisunit piareersaatigineqassamaarpat Namminersorlutik Oqartussat ingerlatseqatigiiffiisa Issittumi attaveqaateqalernissaannut, nittarsaannissaannut niueqateqarnissaannullu?

Nunanut Allanut, Inuussutissarsiornermut Niuernermullu Naalakkersuisoqarfimmit ilanngussassanik piniartoqarpoq, taanna imatut akissuteqarluni:

"Inatsisit ullutsinnut naleqquttunngornissaat unammillersinnaassuseqarnissaallu siunertaralugu Kalaallit Nunaanni inuussutissarsiornermut inatsisit Naalakkersuisut ingerlaavartumik nutarterarpaat. Kalaallit Nunaanni suliffeqarfiit Issittumi

inissimalernissaannut ineriartornissaannullu tunngavissaatinneqartut sapinngisamik pitsaanerpaanissaannut, inuussutissarsionermut inatsisit killissaliussipput. Taamaalilluni ullumikkut – killissaliussat atuutereersut atuutsillugit – attaveqatiginninnissamut, nittarsaassinissamut aammalu Issittumi niuernikkut suliffeqarfiit atassuteqaqatigiilersinnissaannut periarfissaqareerpoq. Tamanna aamma suliffeqarfinnut Namminersorlutik Oqartussanit pigineqartunut atuuppoq.

Tamatumunnga atatillugu nunanut allanut aammalu issittumi nunap immikkoortuani suliaqartuusunut suleqatigiinnissamut isumaqatigiissutinik nutaanik imaluunniit atuutereersut nutarterneqarnissaannik pisariaqartitsineq ingerlaavartumik qimerloorneqartarpoq. Assersuutigalugu taakkua tassaasinnaapput siunertanut nalunaaruteqarnerit (MoU) imaluunniit niuernikkut isumaqatigiissutit. Amerlanertigut suliffeqarfiit Namminersorlutik Oqartussanit pigineqartut aamma taamaattunik isumaqatigiissuteqarnermi ilaatinneqartarput.”

Apeqquut 5: Apeqquut Issittumut periusissionermi Naalakkersuisut AEC ilanngutissallugu pilersaarutigaa?

Nunanut Allanut, Inuussutissarsionermut Niuernermullu Naalakkersuisoqarfimmit ilanngussassanik piniartoqarpoq, taanna imatut akissuteqarluni:

”Naalakkersuisut Nunanut Allanut, Illersornissamut Sillimaniarnermullu politikkikkut periusissiaq suliarileruttorpaat, tassani issittumi suleqatigiinneq pissusissamisoortumik ilaatinneqartussaalluni.

Periusissap suliarineqarnera maannakkorpiaq ingerlanneqarpoq, taamaattumik imarisaasa sukumiisortai suli Naalakkersuisunit naammassillugit suliarineqaratik.”

Inussiarnersumik inuulluaqqusillunga



Múte Bourup Egede